





PL
248
A782345
B4












بابارکن آشجی بی شاشیر تماشو نلر ؛ بزم حلب حدیدی ایله اون،
شکر وزنه لی ، وقفیه لی شعر اوغرینازیان اولسون ؛ (اوطه دن
چیقار)

برده اینر

ختم



شادان بك

انشاء افندم (چيقار)

خيرالدين افندى

ذكى، فطين برکنجدر، تربيه ليدرده ... (بر دقيقه دوشو -
ندکدن صکره) جانم ينه بر طاتلى ايسته بور. دوشونيورم، هايدي
بر لالانغه ياپديره يم . فقط آشجي اونى ده ، شکرى ده بر باد
ايدم جك (البرينى اورير ، ايكى دقيقه صکره حنيفه کيرر)

بشنجى مجلس

خيرالدين افندى ، حنيفه

حنيفه

بر امرکزمى وار افندم ؟

خيرالدين افندى

کيت خامه سويله ! لالانغه ايچون اون ، ياغ ، پرنج حاضر -
لاسون !

حنيفه

يکى افندم (چيقار)

ن ده کيده يم ، مطبخدن عرب ايله اوغلانى چکه يم . لالانغه يى

ایشك اك غریبی ارباب قلند ، حقیقتاً استاد اولانلردن برینك
میدانه آتیلوبده « یاھو نه یاپورسكز ؟ عالم ادبیات درت بچق
چوجفك جولانكاه غافلانه سی اوله ماز » دیمه سی ، دیمك ایچون
کندیسنده بر جسارت بوله مه مسیدر . لسان و ادبیاتمی عریان بر
حالده بر اقلیورده کیسه آلدیرمیور . اولماز افندم ، والله اوله ماز .
مکتب آچار کی ، دکان آچار کی بردنبره لسان و ادبیات تأسیس
ایدلر . دوشونکرز ! ملتک کافه حقایق حسیه سنه عصر لردنبری واسطه
تبلیغ اولمش بر لسان و ادبیات بردنبری فاصل دکیشدیریلیر ؟
(انقیه سنی چکوب آقصیردقدن صکره) هر نه ایسه پک خوشه
کیتدی شو آهمك تنقیدانه باشلامی ...

شادان پک

(آیاهه قالقهرق) افندم ! مساعده عالیکزله ...

خیرالدین افندی

پک آز اولدیمی اولادم ؟ کوروشیوردق .

شادان پک

انشاه ینه کلیر ، استفاده ، استفاضه ایدرم افندم !

خیرالدین افندی

(آیاهه قالقهرق شادان بی قویه قدر تشییع ایدر) تشریفکزدن
جداً بمنون اولدم . بنده خانه هر زمان سزکدر . صیق صیق
تشریف بیوریکزده درلشم !

خيرالدين افندی

واللهی بارلاق . . . همده بن بو محي الدينى طانيدم .

شادان بك

طوغرى سوله مك لازم كليسه چوق كوزل يازيور .

خيرالدين افندی

يازار افندم بيليرم . دها او زمانلر سز چوقديكز ! مرحوم
اسماعيل صفا ايله برقافيه مسئله سته كيرشمشدى ، مرحوم يازدى ، بو
يازدى . نهايت غلبه بونده قالى .

شادان بك

يا . . . بيلموردم .

خيرالدين افندی

چوقدنبرى يازموردى . مطبوعات هالندن چكلمشدى . ديمك
باشلادى . اعلا . . آرتق نوهوسان تحرير بوندن صكره بر آز
دوشونهرك يازارلر . زيرا بو آدم اك خرده نواقص ادبيه بونده
كورير و تنقيد ايدر . هم تنقيد ايتليدردم . . . نه در او شعريه
اورتيه چيقاريلان آلاجه بولاجه قوشمه قيلقلى شيلر . . . نه در او
نثر نامه ميدانه آتيلان كومه كومه مصالحر . . . اوج درت كشي
چيغمش . . . باشنه طولپلامش سكز اون چوجق . . آبرى آبرى
هر برينه سن ادبيسك ، شاعرسك ، داهيسك ، استادسك ،
لسان و ادبياتمك ركن رصينيسك ! ديهرك شيارتمش . . آرتق
لفظ ذكا ودها هر هفته بونلردن برينك سراپتاج مقالاتنده . . .

سنک نگاهکدن

دولت اومسه چوقی افسر لر نگاهکدن سنک
 دولت عشق آلدی تاب وفر نگاهکدن سنک
 فیض آلوب تنشیط ایدر هر دم سحاب همرمی
 غمزه نجم امیدم هر نگاهکدن سنک
 مقتبس بر خنده کلکون عذار کدن شفق
 بر مترجم نشئه اختر لر نگاهکدن سنک
 راه عشق زلفه بر استعاره یش صراط
 بر کنایه شورش محشر نگاهکدن سنک
 بر ترنم نو بهار آهنگ حسنکدن طوغان
 بر تبسم آسمان یکسر نگاهکدن سنک
 چشمکه معطوف اولنجه طویماز استعاره
 صانکه حسیات آلیر شهر نگاهکدن سنک
 چوقی شعرم اولسه چشمانک کبی علوی مال
 ملهم اولدی شیمدی وحی آور نگاهکدن سنک

شادان بک

بکندیگز می افندم ؟

شادان بك

نهوت افندم . . . معلم محي الدين افندی

خيرالدين افندی

معلم محي الدين می ؟

شادان بك

اويله ديورلر . . .

خيرالدين افندی

(انفيه سنی چکه رك) والهي خوشمه کیتدی . . . معلم ناجی

افندی کبی بر شی . . .

شادان بك

عرض ایتدم یا افندم . . . بو کونک معلم ناجیسی . . .

خيرالدين افندی

(غزته به کوز کزد بره رك) ذوق عنوانلی بر مقاله سی وار .

آی . . . نگاه کدن سنک سر لوحه لی بر غزلی ده وار .

مقاله بی صکره اوقورم . باقیم شو غزل ناصل شی . . .

شادان بك

لطفاً اوقوییکزده بنده کزده ایشیده میم

خيرالدين افندی

(شعری اوقومغه باشلار :)

آلیر . آشچینک شمربنی ده محضا آلائی ایچون قویمشدر . حالبوکه
سز غزته نك سائر مندرجاتی او قوسه كنز . . .

خيرالدين افندی

کیملر یازیور ؟

شادان بك

قادین ، ارکک بر چوق کیمسه لر یازیور . فقط ایکی اوچ
هفته در محي الدين امضاسيله مقاله لر یازیلیورکه غالبا بو آدم معلم
ناجی یه هایدی هایدی رحمت او قوته جق . . .

خيرالدين افندی

(کوله رك) دیمه آلهی سورسه ك . . .

شادان بك

افندم بر کره مقاله لر ی او قوییکزده کورورسکنز ! هم بو
آدم ادبیات غریبه یه ده آهنا . . .

خيرالدين افندی

بو محي الدين بك عجباً کیمدر ؟

شادان بك

بو ، بیلدیکنز محي الدين لر دن دکل . . . هم بوکا محي الدين
افندی دیورلر

خيرالدين افندی

محی الدین افندی می ؟

خيرالدين افندی

نه دن ؟

شادان بك

بو كوناك معلم ناجيسندن . . .

خيرالدين افندی

(حيرتله) بو كوناك معلم ناجيسى كيم اوليور ؟

شادان بك

(جيبندن خانملر عالمي غزته سي چيآاروب اوزاته رق) بو غزته سي

اوقوميور ميسكز ؟

خيرالدين افندی

او نه در اولادم ؟

شادان بك

خانملر عالمي غزته سي

خيرالدين افندی

آشجينك مسخره لفي قويان غزته دكلى ؟ براق الله عشقنه !

شادان بك

سز آشجينك شمريني درج ايتديكنه باقيكز ! آنك صاحبينك

نه آلايجي بر حريف اولديغي بيلز سكز !

خيرالدين افندی

آلايجي مي ؟

شادان بك

او قدر آلايجي كه حدندن فضله . . . اوكنه كلني صاراقه

محمد بك

ایشیکیزه کله نیجه بویله سویله یورسکیز ؛ فقط نه دیسه کیز ،
نه قدر حد تلفسه کیز بیهوده در ، بوجریان ادینک اوکنه کچیله من ،
او ، اوکنه کلن هر حائل ییقه جق ، ناجی ، فکرت دورلرینی بر
رماد نسیان آلتنده براقه جقدر ، « آشیجی به » هایدی آشیجی
باشی بز کیده لم .

آشی

کیده لم افندم « محمد بکله آشیجی او طه دن چیقارلر »

مسعود

« کندی کندینه » اونلر کیتدیلر ، بن ده آرقه لرندن کیده یم ده .
باقه لم ینه ناصل یابورلر روزنه لی ، وقفیه لی ، یارمقلقی ادبیاتی کوره یم ،
« کیدر »

خیرالدین افندی

کوردیکیزی مسخره لک درجه سنی ؛ ایکی قوال ، برچوبان
پیکار باشی ، آیران دیرکن پوف بوره کی ده شرک ملهم ومولدی
اولغه باغلادی ، بونی ده اکشیل یی یحیی ایله کباب کوفته نک ،
تل قطائی ایله فندقلی کلاچک تعقیب ایدم جکینه شبهه ایتیکیز !
(ایچتی چکه رک) آم ! رحمت اولسون جائنه ! شیمدی معلم ناجی
اوللی ایدی ده ...

شادان بك

خبرکیز بوقی افندم ؟

قلبمك اوستنده بر درین صیزی
یاندی طوتوشدی کوکل اوجاغی

محمد بك

افندی بابا ، یکنیورسکزیآ ؟

خیرالدین افندی

« آشچی به » هایدی ، هایدی ، اوقوده بیتیر ؟

آشچی

امرکز باشمك اوستنه افندم ، اوقویم « اوقور »

هی آشچی باشی ! سن صوصمه اوپله !

پوف بوره کنه برشعر سویله ؟

شاعر اولانلر طوریرمی بویله ؟

یاندی طوتوشدی کوکل اوجاغی

محمد بك

ناصل افندی باباجنم ناصل ؟ افکارده کی ، حسیاتده کی ترقی یی ،
رقق ، نزا کتی کوردیکز می ؟ باقیکز ، کنجملر ناصل برانقلاب
ادبی یاییورلرمش اکلایکز ،

خیرالدین افندی

« حدتله » هایدی اورادن بنی کناهه ، بلایه اوغراتمه ،

محمد بك

افندی باباجنم؟ مساعده بیوریکزده آشجی باشی شعرینی اکال
ایتسون؟

خیرالدین افندی

« آشجی به » اوقو باقم شاعر باشی ؟

آشجی

« صیرتہ رق » افندم ؛ بنم شعركده وزنه سنی بکندیکز غالباً؟

خیرالدین افندی

وزنه سی دکل ، وزنی ، وزنی . . .

مسعود

افندی ! وزنه سندن بشقه و قیہ سی ده اوله جق دکل ی ؟

خیرالدین افندی

« حاقیرہ رق » صومس به بدلا ، بجره مدیکک سوزی نه سویلیوب
طوریرسک ؟ حالا وزنه ، وقفیه دیوب طورییور .

آشجی

مساعده کزله اوقویورم افندم ،

خیرالدین افندی

هابیدی ، اوقو ،

آشجی

نه قدر کوزل ممشک قیزی

هله کوزلری سحر ییلدیزی

ینه باشلادی شب نوبهار
 اسیور نسیم فرخفزا
 کلیور ترانه جویبار
 اوتیور هزار غم آشنا
 اوچیور اوزاقده سحابه لر
 اویویور دکر ، طوغيور قمر
 شادان بك

نه کوزل ، نه رقصان برون ۰۰۰ قوزم پدر افندی حضرتلری
 بر بهار کیجه سنی تصویر ایدن بو کوزل منظومه نك آلت طرف ده
 خاطر کزده می ؟

خیرالدین افندی

خاطر مده ایدی اما ۰۰۰ « برطونام انقیه چکوب آقصیردندن
 صکره » شوپارچه سی ده خاطریمه کلدی . نه کوزلدر :

کیجه نك روایحی منتشر
 باقارم سمای مکوکبه
 کوریرم خیالکی مستر
 طالارم سمای مذهبه
 او اویور سماده سکون ایله
 سن اویو صدای غصون ایله

محمد باک

لکن افندی بابا . سز بیلیمورسکیزه ...

خیرالدین افندی

« سوزینی کسهرک » نهی بیلیمورمشم ... بو مسغره لقلری

بیلیمکن بیلیمه سی خهل ...

محمد باک

« آشجی به » سن دوام ایت آشجی باشی .

آشجی باشی

یکی اندم « دوام ایدرک »

فصولیه ، قباق ، ییدیکی خلطه باق

خیرالدین افندی

« حایقیره رق » آرتق تحمل ایدم ... شعره بویله مستهجنات ،

بویله مستکره شیلر کیررمی ؟

آشجی باشی

« دوام ایدرک »

فصولیه ، قباق ، ییدیکی خلطه باق

اون بشه پلاو بر کوچوک طباق

کلاج وار اما بهالی قیاق

یاندی طوتوشدی کوکل او جانغی

خیرالدین افندی

« حدنله » کوردیکیزی رذالتی ؟

خيرالدين افندی

بنی کناهه ، بلايه اوغراتميك . لسان بويله مسخره لقلرله می
تکامل ایدر .

شادان بك

« خيرالدين افندی به » افندم . بيهوده يره حدت بيورميك :
مساعده ايديكزده اكال مایسون .

خيرالدين افندی

اما افندم انسانی زورله قزدير بورلر . هم مسخره لقلر ، هم ده
لسان وادبیات تکامل ایدیورمش ...

شادان بك

« آشجی به » دوام ایت آشجی باشی .

آشجی باشی .

دوام ایدر بك :

مرجك ، نخود ، بلغور چورباسی

کیلارده آسیلی پرنج طورباسی

ده لیندی بو کون سقانك قبرباسی

یاندی طوتوشدی کوکل اوجاغی

خيرالدين افندی

« حایقیره رق » اولماز ... والهی اولماز افندم ... بو نه
مسخره لقلر ، بونه رذالت . . . سقانك قبرباسنه پرنج طورباسی قافیه
اولورمی ؟ هم افندم بلغور چورباسیله نخودك شمردنه نه یری وار ؟

آجی یالاغك آجیدر صوی
كوچوك بكمك طاتلیدر خوی
شیشیلیدن اوتهدر زنجیرلی قویو
یاندی طوتوشدی كوكل او جانگی

خیرالدین افندی

(حدتله) اولماز افندم اولماز ... بونه کپازمك ... قویو ایله
خوی نك تقیه سی جائز میدر ؟

محمد بك

افندی باباجم . بوسربست وزندر ، سربست وزن ...

خیرالدین افندی

(ینه حدتله) سربست وزن، سربست قافیه نه دیمك اولیور .
بوندن بیلم نه قدر زمان اول مرحوم رجائی زاده ده « قافیه سمع
ایچوندر » دیمشدی ده دنیای آدیمجفرك باشنه کچیرمشلر :

قافیه سمع ایچوندر براقك قاعده یی

بویله تعلیم ایدیور وای کیدی استاد ادب !

دیه ساراقیه آلمشلردی .

محمد بك

اوزمان اوله دیمشله ... فقط شمدی لسان وادبیاتمرك تكاملنه
چالیشیلدینی بر حره ...

محمد بك

كوردىكزىيا افندىم .. همده اوزرىنه اشعار كزیده دن دىمىشلر ..

مسعود

آشجى باشىنك ادبیاتى فزته جیلر بكنه شلر اولمى ؟

محمد بك

(مسعوده) البت بكنىرلر ... آثار نفیسه بی اربابی بك چابوق
تقدیر ایدر .

خیرالدین افندى

(شادان بکه) دقت بیوریلمورمى ؟ آشجى باشىنك یوله لرى ده
آثار نفیسه میانه ادخال اولونیور . آمان یاربى .

شادان بك

مساعده بیوریکزده اوقوسون . آكلايه لم .

خیرالدین افندى

(آشجى به) اوقو باقم .

محمد بك

(آشجى به) آشجى باشى . دقتلى اوقو .. شیوه کی هیچ بوزمه .

آشجى باشى

(محمد بکه) صراق ایتمه بیکم .

خیرالدین افندى

هایدی ، هایدی ... دیکله بورز .

آشجى باشى

(کندینه چكى دوزن وبردکدن وبراىی کره اوکسوردکدن

صکره اوقومغه باشلار :)

آشجی باشی

بیورک افندم (غزته یی افندی به ویرر)

خیرالدین افندی

(باقرق) نهوت یازمشلر ...

محمد بك

البت درج ایدیلیر افندم ... بوکی آثار نفیسه نك هیا اولوب
کیتمسنه کیمک وجدانی راضی اولور ؟ رجا ایدرم افندم، ویریکنز
آشجی باشی یه ده کندی شیوه مخصوصیله اوقوسون .

خیرالدین افندی

(ینه غزته یی اوقویه رقی) آئی . آشجی باشینک امضاسی ده وار .

آشجی باشی

(صیریتیه رقی) امضام ده وار افندم .

خیرالدین افندی

(آشجی به) سنک اسمک احمد دکلی ؟

آشجی باشی

احمد در افندم ... همشهریلر آره سنده بکا کودوک احمد درلر .

خیرالدین افندی

یا اوراده امضامک یاننده برچنار لاقیردییی ده وار

آشجی باشی

بز مملکتده چنار اوغللری دیه آ کیلیرزده ...

خیرالدین افندی

(غزته یی ویره رک) آ کلادم، آ کلادم . .

آشجی باشینک شعرلرنی خانملر عالمی غزته سی بيله مع التقدير نشر ايندی .

خيرالدين افندی

«جديتله» خانملر عالمی غزته سی آشجی باشینک شعرلرنی می قويمش ؟

محمد بك

ثوت افندم ... (خانملر عالمی آشجی باشی یه اوزاته رق) مساعده
بيوريكزده افندم كندی شعرلرنی ينه كندیسی اوقوسون !

خيرالدين افندی

« شاشيره رق » آشجی باشی شمدی بوراده شعرمی اوقويه جق ؟

آشجی باشی

« صيريتهرق » ثوت افندم ... مساعده ايدرسه كنز اوقويه جقم ..

خيرالدين افندی

(ينه حيرتله) بو غزته ده می ؟

محمد بك

ثوت افندم ...

مسعود

خانملريسنك عالمی سنك غزته سی ايسته ...

خيرالدين افندی

(حدتله) بين صوص ؟ (محمد بكه) خانملر عالمی غزته سی آشجی
باشينك شعرلرنی زه دن بولمش .

محمد بك

كوندر دنك باباجم ... آنلرده مع التقدير درج ايتديلر .

خيرالدين افندی

(آشجی باشی یه) وير باقيم شو غزته بی ...

بونك ده موده سی پكر ... زمان ؛ بو دور ادبی ده كومه كومه
 شاعرلری ، نثرلری ایله صنف اساطیره نقل ایدر .
 (النده خانم عالمی غزته سی اولدینی حالد محمد بك اوکده ،
 آشجی باشی آرقده و آنك آرقه سنده ده مسعود اولدینی حالد
 ایجری به کیرلر .)

دردنجی مجلس

اولکیلر — محمد بك ، آشجی ، مسعود

خیرالدین افندی

« محمد بك » او ندر النده کی کاغذ ؟

مسعود

خانم یسنگ عالمی سنك غزته سی ...

خیرالدین افندی

ناضل ، ناصل ؟ آمان بردها سویله !

مسعود

« آکلاتمه چالیشه رق » کوچوک بکیسنگ النده کی جریده سی

صور میور میسکز ؟

خیرالدین افندی

آنی صور میورم .

مسعود

« جدبته » ایشته افندم سویلدمیا ! خانم یسنگ عالمی سنك

غزته سی ... (خیرالدین افندیله شادان بك قهقهه لرله کولرلر)

محمد بك

افندم ... سز یکی ادبیاتی استخفاف ایدیورسکز اما باقیکز

کوزل برطانی بییهیم ... اولورمی هیج؟ بوکا ناصل تحمل ایدیلیر.
(انقیه سنی چکوب آقصیردفدن صکره) حقی دغلی م اولادم ؟
الله ایچون سوبله !

شادان بک

کرچه حق عالیکنز درکار ... فقط نه دینور چوجوقلق ...
کندیسنی زمانک جریان ادیسنه قایدیرمش ...

خیرالدین افندی

چوجوقلق می ؟ اون سکزی نی بیتیریور .

شادان بک

براقکنز افندم ... مخدوم بکده امثالی کبی هوسنی آلسون !

خیرالدین افندی

بزم مخدومده ؛ امثالی ده هوسلرینی آنجهیه قدر هم عثمانلی
لسان وادیاتی خراب اوله جق، همده بنم شکرلرله رومانیا اولری ..

شادان بک

سزک شکرلرله رومانیا اولری ، یاخود تنکهنه سنی قرق بریجغه
آلدیفکنز حلب یاغی حقنده برده حکم یوقدر . فقط امین اولیکیزکه
لسان وادیاتمزه هیج برتی اولماز . سلیمان نظیف وقتیه پازدینی
برمقاله ده :

« جناب شهاب الدینک ید حاکمیتندم کی کلک غالب
قولای قولای اسقاط ایدیله مز . »

دیمشدی . نه قدر طوغریدر . سز امین اولیکیزافندی پدر ..

منهن قضا سنده کی بیلیم نه کوینده بیکاردن دستیسنی طولدیررکن
یماجده قوال چالان چوبانه بزنگاه اشتیاق فیرلاتان کویلی قیزی
مصور اولان سوزلر و یازیلر ملی صایلیور ؟

محمد بک

باقکیز افندم ... شونی عرض ایدهیم ...

خیرالدین افندی

« سوزینی کسرهک » طور دیورم سکا .. بک افندی سوزینی
اکال ایتسونده ...

محمد بک

لکن افندی بابا ! بنده ایکی سوز سویله مک ایسترم ..
(محمد بک حدتله آیاغه قالقار وحدتله او طه دن چیقار)

خیرالدین افندی

کوردیکز می یابدینی مسخره افی ؟ آشچی باشی عروض و زنیله ده
ترکجه شعر سویلرمش ... یازمه شفتالی سبتدن دوشمش ده ...
آرمود صولیجه ایمش ده .. والخاصل برسوری کپازمهک ...

شادان بک

کوچوک یکی قیزدیردیکز افندم !

خیرالدین افندی

نه خلط ایدرسه ایتسون ... بنم هذیان ، یاوه دیکلمک و قنم
یوق .. هم افندم سراقلانیورم ، المده دکل ... بن بوقدرشکر ،
اون ، یاغ پاره سی و برهیم ، صکرده آخر و قتمده ایستدیکم کی



« بكمك ادبiate مراق » قومديسنگ قهرمانی

محمد بك [كوزلجي اوغلو]

وافكار، پوغازك ماوی صولری اوستنده اوچان قوطره لری، آطه ده
برلوحه غروبی، روم ایلی حصارنده بر شب مهتابی مصور اولان
بدایع ادبیه یچون اجنبی عدایدیورده صکره بولی سسجاغفك

قالیه جق. لسان و ادبیات ایله کوزله، لالافه، بورک آرە سنده کی
مناسبتی شمدی آکلایه جکسکیز ؟

محمد بك

رجا ایدرم افندی بابا دیگله یکنز! باقکیز! عروض وزنیله ده نه
کوزل شعر سویله نیور. فقط بو، یالکیز بزم آشجی باشی به مخصوص..

خیرالدین افندی

«حدتله» ببقدم بو صفوق مسخره لقدن .. اوقو باقهلم.

محمد بك

«ممنونانه» باقکیز، کوره جکسکیز یا، بك بکننه جکسکیز.

خیرالدین افندی

هایدی ؟ اوزون ایتمده اوقو.

محمد بك

ایشته اوقویورم. «النده کی کاغده باقهرق اوفور.»

یارمه شفتالی سپتدن دوشدی آل بندن خبر

صولیجه آرمودیرینه کیمنسه شالغم ایسته مر

خیرالدین افندی

«حدتله» چکیل قارشیمدن ... ننی کناجه، بلایه صوقه !

محمد بك

فقط افندم، ایشته بو عروض وزنیله در. بونی ده بکنمه کدن

صکره ...

قصیده ، غزل طرزینک عودت ایده جکندن قورقیورلر .. عجبار
شعرک ، بریدیمة نك اوستنه غزل ، قصیده ، تخمیس قونولقله
اواثرک ، اوبدیمة نك قیمتدن دوشه می لازم کلیر؟ یوقسه اوغنوانلی
اشعار مطلقاً قیمتسزمیدر؟ « قهوه لر ایچیار . فنجانلری مسعود
آلوب چیقار »

شادان بك

حق عالیکنز وار افندم .

خیرالدین افندی

بوکون بنی حدتلی کوردیککیزی دمن سویله یوردیکز . ناصل
حدتلمه یم . برطرفدن لسان وادیات بازیچه اطفال اولوب کیدیور .
دیگر طرفدن بکا آغز طادیله برکوزله ، برالانقه یمک نصیب
اولیور . یوز طقسانه شکر ، یوزغروشه رومانی اوئی آلیرکن بیله .

شادان بك

عفو عالیترینه مغروراً صورم جنم : لسان وادیات ایله کوزله ،
لالانقه ، یاخود آلت اوست بوره ک آره سنده نه مناسبت وارافندم ؟
« بوسرده محمد بك الله برکاغداولدیفی حالد کوله رک ، سینه رک
ایچری یه کیرر . آئی متعاقب مسعودده کلیر »

اوچنجی مجلس

اولکیلر — محمد بك

« خیرالدین افندی یه خطاباً » افندی بابا . آشچی باشی عروض
وزنیه ده ترکیه شعر سویله یور .

خیرالدین افندی

« شادان بکه خطاباً » بنم ایضاحات و برمکلمه آراتق حاجت

خيرالدين افندی

«قهوه يی ایچهرک» معلم مرحومه معارفه مزدن بحث بیوردیکیز . معارفه دکل آرم مزده بر رابطه صمیمیه واردی . جدأ سویشیردک . یالکیز بر نقطه ده آریلیردی . بن مسکراتدن متنفر ایدم . حالبوکه اومبتلای عشرت ایدی . ذاتاً کنج یاشنده قربان عشرت اولوب کیتدی یا . (ایچی چکه رک) آم بیلمزسک یاوروم ، بیلمزسک بکم . ناجی پک بویوک بر آدم ایدی . عثمانلی لسان وادیاتنه ایتدیکی خدمت قابل انکارمیدر ؟ اما انکار ایدیورلر مش . وارسونلر ایتسونلر . حتی وفاتندن صکره مزار طاشلامق قبیلندن علیهنده یازلمدق ، سویلنمک سوز قالمدی . حالبوکه بوکون قوزی ، سعابه ، کبوتر کی بر منظومه یازمحق وارسه یارمق قالدیرسون . کوریورز . شعر ، نثر ، حکایه ناملری آلتنده اورتیه چیقاریلان محصولات قلمیه یی کوریورز . بوکونک شعرنده صورارم سزه بر ذوق بویورمیسکیز ؟ نه وزن وار ، نه قافیه ... بوندن بیلیم قاج سنه اول محمد جلال مرحوم :

شعرک نه تحف قالمدی هیچ ذوق ، اصولی

خلقک کیمی وهرلن ، کیمی عاشق عمر اولدی

دیمشدی . شیمدی وهرلنک فلانده قالمدی . هجه وزنیه شعر .. ماصال قبیلندن رومان ، یاخود حکایه ... بر آزدها غیرت ایدیلیرسه ساز قهوه لری احیا ایدیله جک ، صکره برده ویسی ، ترکی نثرلرینک

یا شو زمانده برده توتون ، ایچکی دردی اولسه یدی ... بو
 بلاردن بنده وارسته میبار ... ایشته یالکیز انقیه ... اوکاده
 قلمده ایکن آلیشمشدم . بر میز واریدی ، حق رحمت ایلسون ...
 توتونی ، ایچکیسی فلان یوق ... فقط انقیه دیدیکزمی ؟
 تیریا کیسی نرده او زمانکی انقیه لر ... کل قوقولیسی ،
 منکشه لیسی ، دها بر چوق انواعی دیدیکم قرق بش
 سنه لك شی او زمان بن اوقافک جهات قلمنده ایدم .
 دمن عرض ایتدیکم میزمن ، جناب حق رحمت سجانیه سنه
 مظهر بیورسون ، پک خوشکو بر ذات ایدی . هانیا یبانه
 آتمیک ! ارباب قلمدن ایدی ... نفعیانه بر چوق غزللری
 واریدی . فقط نشر ایتزدی . شاعر عصمت افندی مرحوم
 او زمانلر جریده حوادثه ایدی . همان هر کون مطبعه ده
 طولاشیردق . نه عالم ایدی او نه عالم ...

شادان بک

معلم ناجی مرحومه ده معارفه کز وارمیدی افندم ؟
 (بوائاده مسعود النده قهوه تپیدی اولدینی حالده کیر
 وفنجانک برینی شادان بکه ویرمک ایستر . شادان بک ایسه
 خیرالدین افندی بی ارانه ایدر)

خیرالدین افندی

بیور اولادم . تکلیفله می فنجان آله جفز ؟

شادان بک

(محبوبانه) آمان افندم عیب اولمازمی ؟ (فنجانی آلیر .
 مسعود دیگر فنجانیه خیرالدین افندی به ویره رک النده تپسی ،
 کنارده طور بر)

خيرالدين افندی

حد تلمه مك قابلى بكم ؟ يوز طقسانه شكر، يوز غروشه
رومانيا اونی آل ! حلب ياغنىك تنكه سنه قرق برليرا وير !
صكره ده آخر وقتمه آغز طاديله برلاناغه، كوزله، طلومبه
طاتليسى ييه ! چكيلير دردى بوافندم ؟

شادان بك

شكايتكز نه دن پدر افندی حضرتلری ؟ اونلرمی فنا ؟
يوقسه شكرلركمى قوتى يوق ؟..

خيرالدين افندی

شكرلر على الاعلا ... هله آلدیغم اونلر خالص بقلوالق...
حلب دیرسهك برنجی حدیدی ...

شادان بك

بونلردن باشقه سبیلر وار ديمك ؟

خيرالدين افندی

(انفيه قوطوسنى شادان بكه اوزاتهرق) اويله برسبب كه..

شادان بك

قولكز انفيه استعمال ايتم

خيرالدين افندی

كرچك قوللانمازدىكز . ماشالله سزك مسيغاره كز ،
ايچكيكزده يوقدر دكلى ؟

شادان بك

تهوت افندم ... چوق شكر اعتياد ايتمه مشم ...

خيرالدين افندی

(ممنوفانه) اوخ ، اوخ ... چوق شكر ، ماشالله...

خيرالدين افندى

(آياغه قالفه رِق) بيورك افندم ! بيورك !

شادان بك

(يردن تمناء ايدرك) اه عمرلر وىرسون افندم !

خيرالدين افندى

(ير كوستره رك) شويله بيورك بكم !

شادان بك

تشكر ايدرم افندم (اوطورير)

خيرالدين افندى

(استفسار خاطر ايدرك) انشاه عافيتده سگن افندم !

شادان بك

چوق شكر افندم . سز لرده عافيتده سگن انشاه

خيرالدين افندى

زمانك ايبلىكى معلوم ... انسان هر دقيقه حرص وحدت

ايچنده قالبور . (مسعوده خطاباً) هايدى بزه برر قهوه ...

بك افندى شكرلى ايچرلر .

مسعود

يكي افندم !

خيرالدين افندى

(مسعود چيغه جنى صروده) مسعود ! بكاده برشكرلى

ياب !

مسعود

باش استنه افندم (مسعود چيقار)

شادان بك

افندم ! بوكون سزى بك حدتلى كوربيورم .

خيرالدين افندی

(حايقیزه رق) دفع اول قارشیمدن ... بنی کناهه صوقوب
طورمه ! وزنه جيلرك ، ديركلر آره سنك ادبياتی نه ديمك ...
چاتدق بلایه ... (بو آره لق خنیفه کیرر)

عفیقه خانم

(حنیفه یه) نه وار ؟

حنیفه

بر بك كمش . . . افندی بی کورمك ایسته یور .

خيرالدين افندی

ناصل بكمش او ؟

حنیفه

كچن كونده كلمشدى . ذاتاً هر زمان كلير . كنچ ...

خيرالدين افندی

آ كلادم ، آ كلادم . علی شادان بك . . . هایدی
مسعود ! چابوق ، بیوركدی !

عفیقه خانم

بز چیقلم (حنیفه ایله چیقارلر)

مسعود

يكي افندم (کيدر . ايکي دقيقه صكره علی شادان بك
اوکده ، مسعود آرقه ده ایچری یه کیررلر)

ايکنجی مجلس

خيرالدين افندی ، علی شادان بك ، مسعود

خيرالدين افندی

طوغرو درست آكلات ! خاملر عالمی غزته سی آشچينك
شعرلرینی قویعش ...

مسعود

آشچی باشينك وزنه لی ادبیا ...

خيرالدين افندی

(ینه خایقیره رق) وزنه یی ، وقفیه یی قالدير ... آمان
نه قدرده سیکیرمه طوقونیور بو لاقیردی ...

مسعود

وزنه سز ، وقفیه سز ادبیاتی اولورمی ؟

خيرالدين افندی

(حدتله رك) بوچتره فیل عربده مراق آكلاتقی نه قدر
مشكل ... اوغلام ! اوکا وزنه ، وقیغه دیمزلر ...

مسعود

(آ كلامش کبی کورینه رك) آ کلادم افندم آ کلادم ...
بن یا کلش سويله یورم. وزنه لی ادبیات دکل ، وزنه جیلر ادبیاتی
اوله جق ...

خيرالدين افندی

(حدتله رك کندی کندینه) چیلدیره جنم شیمدی ...
بارب ! سن بکا صبراحسان پیور ! وزنه لی ادبیات دیرکن عرب ؛
ایشی وزنه جیلر ادبیاتنه دوکدی (ینه برانقیه چکوب آقصیره رق)
وزنه لی ادبیات ، وزنه جیلر ادبیاتی اولماز ...

مسعود

ها ! اوله می ؟ بلکه وزنه جیلر ادبیاتی دکلدر. (جدیتله)
افندی ! صاقین دیره کلر آره سی ادبیاتی اولسون !

مسعود

ایشته او ، ایشه او ... خانلریسینک عالمی ...

خیرالدین افندی

آ کلادم ... خانلر عالمی ... بو غزته یه نه اولمش ..؟

مسعود

(آ کلاغمه چالیشه رق) غزته سنه برشی اولمامش ...

آشچی باشی ادبیاتی خانلرینه عالمنه غزته سنه باصدیرمش ...

خیرالدین افندی

(حدتله یرندن فیrlایه رق) بو ، نه کپازه لك ... بو ،

نه مسخره لق ... (مسعوده خطاباً) خانلر عالمی غزته سی آشچینک

شعرلرینی می درج ایتمش ؟

مسعود

(ینه آ کلاغمه چالیشه رق) خانلرینه عالمنه غزته سی آشچی

باشینک وفقیه لی ، وزنه لی ...

خیرالدین افندی

(حایقیره رق) بنی کناهه ، بلایه اوغراتمه ! قافیه یه وفقیه

دیوب طورمه !

مسعود

(شاشیره رق) بن دیمدی ... کوچوک بکیسی ایله آشچی

باشی او یله دیورلر .

خیرالدین افندی

کیم دیرسه دیسون خلط ایتمش ...

مسعود

کوچوک بکیسی او یله سویله یور .

خيرالدين افندی

(عفيفه خانم خطاباً) كوردكى مسخره لگك درجه سنى ؟

شعر؛ عربك آغزنده باق نه لر اوليور. وزنه لی، وقفیه لی ادبیات
ایمش . (کندی کندینه) زواللی وزن ، زواللی قافیه !
خصوصیه زواللی شعر

مسعود

آشچی باشی چوق کوزل شعرلرینی یاپیور. پارمقلی شعرلرینی
بیله اویدوریور. کوچوک بکیسی چوق خوشلانیور، سونیدور
(اللرینی چیرپارکی یاپه رق) بویله بویله یاپیور .

خيرالدين افندی

ناصل ناصل ؟ پارمقلی شعرلرمی !

مسعود

(کوله رك) پارمقلی می ، پارمقلی می ، ایشته اویله شیلر یاپیور.

خيرالدين افندی

آ کلادم ، شیمدی آ کلادم . پارمق حسابیه اوله جق .

مسعود

نهوت افندم نهوت ... ایشته اویله پارمقلی حسابیه ...

هم اوپارمقلی حسابی ادبیاتی خانملرینه ده یازدیر مشلر .

خيرالدين افندی

(آ کلایه رق) خانلرده می یازیورمش ؟

مسعود

خانملرینه دکل ... خانملرینک برغزته سی وارمش ده ...

خيرالدين افندی

خانملر عالمی می ؟

(حنیفه یه) کیت سسلهك ! مسعود بورایه کلسون !

حنیفه

یکی افندم (جیقار)

خیرالدین افندی

(عقیفه خانمه) بتم عقلمه کلن باشمه ده کلیر . بو آشجی

ایله اوغلان ؛ عربده شعر مصراقی صار دیرمه جفلر . . . دقت

ایدیورم . سکزاون کوندر مسعودك ده مطبخدن چیق دینی یوق . .

(مسعود ایجری یه کیرر)

مسعود

(کندی شیوه سیله) بنی چاغیر دیکزمی افندم ؟

خیرالدین افندی

(ینه انقیه سنی چکوب اوچ کره آقصیرد قدن وبویوك

مندیلله برونی وصفالنی سیله کدن صکره) چاغیردم . نر ده ایدك ؟

مسعود

کوچوك بکیسی ایله مطبخده ایدك .

خیرالدین افندی

مطبخده نه یاپیوردیکز ؟

مسعود

بن برشی یامدی . کوچوك بکیسی ایله آشجی باشی ادبیاتی

یاپیوردیلر .

خیرالدین افندی

ته یاپیورلر ، نه یاپیورلر ؟

مسعود

ادبیاتی یاپیورلر . وزنه لی ، وقیه لی لاقیر دیلر ایدور یورلر .

(الارینی بربرینه اوره رق طیشاریدن برینی چاقیریر) کیم وار
اوراده ؟

عفیقه خام

کیمی ایستدیکزدی ؟

خیرالدین افندی

مراق ایتدم . اوغلان نرهده ؟ مسعود میدانده یوق ...
(ینه الارینی اوره رق حاقیریر) کیم وار اوراده ؟

حنیفه

(ایجری یه کیرر) بر امرکزمی وار افندم ؟

خیرالدین افندی

کوچوک بک نرهده ؟

حنیفه

مطببخده ، آشچی باشینک یاننده ...

خیرالدین افندی

نرهده اوله حق ؟ صورمق عبث ... مطبخدن بشقه نرهده
کیدم بک . مسعود نرهده ؟

حنیفه

اوده مطبخده افندم ...

خیرالدین افندی

(حدتله رک) آل بر مسخره اقی دها ... ایسترمیسکز

عربهده شعر مصرافی ساردیرسونلر ... صکره اوده :

دینغاله قباق دینغاله

مور قویغش منغاله

ده هم قافیه واردر ، همده وزن دیره رک اورتیه چیقسون !

ویریورسهم جزئی قویسونده یمکرك طادی کلسون دیه
ویریورم . حالبوکه او طولدیرمش شکری ... صوغانیده
حدندن فضله قاجمش، اولمش سکا بر یالانچی طولمه رچلی...
قوی برظریف طباق ایچمه، کوزله استیف ایت! آندن صکره
کوتور، حویارخانی صره سنده کی طاتلیجینک جامکانه اوپورت!
اوزرینه ده یالانچی طولمه رچلی دیه یاز! طوغری دکلی؟

عقیقه خام

ذاتاً سز هر شیئه بهانه بولورسکز؟

خیرالدین افندی

(ینه حدتله رك) شیمدی به قدر نه بهانه بولدم هیا؟
بوندن اولکی آشجیدن شکا تم وارمیدی؟ ایکی سوز سویلدیکی
ایشدکی؟ یابدینی او، قتمرلی کوزله لره، ایچه بورکله قارشی
نه دیه بیلیردم؟ حالبوکه یوز طهسانه شکر، یوزه رومانیا اون
آل! یاغک تنکه سینه قرق شو قدر لیرا ویر! صکره ده آغز
طادیله برطاتلی یمه! هله ایکی لاقیردی سویلدکی؛ هر شیئه
بهانه بولورسک دیه سکا عتاب ایتسونلر... یوق...
طوغریسی چکه میه حکم.

(یاننده کی انقیه قوطوسنک قباغنی آچوب بر طوتام
چکد کدن و اوچ کرده آقصیردقن صکره) آشجیدن تورکجه
اوکره نه جکمش ده هجه وزنیه شعر سویلیه جکمش... نه خلط
ایدر آغانک بارکیری... شو طار زمانده بن بو قدر مصرف
ایدهم. صکره سفره دن آج قالفه یم... نه مسخره لقی بو...
بکمک ادبیاته مراق و ارمش. های اولماز اولیدی...

عقیقہ خام

مادام کہ اوہلہ ایش دہ بو آشی باشی ایکی آہ یاقین بر
زماندر نیچون اوطوریور ؟

خیرالدین افندی

قادیتم ! سنک آشی باشی دیدیکک ؛ آشجیلرک باشی دکل
قویروغی بیله اولماز . بو ؛ یابدینی یمکارلہ ثابت ... بورک ،
طاطلی نرہ دہ ، بلغور پلاوینی بیله آدم عقللی پیشیرہ میور .
سویلمک نہ حاجت ! سن دہ هرکون ، هرکیجه کوریورسک ...
دون آقسام پیشیروب دہ ویردیکی اسپناق قاوورمہ سنی زورلہ
ییدک ... حالبوکہ خرجنی ، مصرفنی تمام ویریورز . یاغی
اعلا حلب ... صوغانی بول ... نیچون بیہمدک ؟ چونکہ
ینیلیر کی دکلدی . سببی آشجینک مهارتمزلکی ، عجمیلکی ...
اما نہ اولہ حق یکر می بر یاشندہ کی آشی یماغندن دہ بوندن
بشقه نہ بکلنیر ؟

عقیقہ خام

اسپناق قاوورمہ سنی ارکک آشجیلری ذاتاً اینی یاپامازلر .

خیرالدین افندی

یکی اوہلہ اولسون ، قبول ایدہلم . یا اوچ کون اولکی
یالانچی طواہیہ نہ بیوررسکز .

عقیقہ خام

نیمہ جک کی می ایدی یا ؟

خیرالدین افندی

ییدک اما زورلہ ... بن بو شکر قحطندہ آ کا شکر

خيرالدين افندى

(حدتله رك) دهانه يابه جق ؟ هر كون ضرر ، هر كون زيان ... شكرى يوز طقسانه ، خالص بقلوالق رومانيا اونى يوزه آليورم . حلب ياغندك اون اوچ اوقه لق بر تنكه سسنة قرق بر ليرا ويردم . يارم ليرا دهاويرسه يدم قرق بر بچق ماشالله ذيوب چيقه جقدم . بوقدر مصرفه قارشى آغز طاديله بر لالانغه ، طلومبه طاتليسى ييمك نصيب اوليورمى ؟ آشجينك اولكى كيجه ياپدني آلت اوست بوره كى كوردك ؟ بچون بكنوب ده يمدك ؟ اما حقليدك ! يذليرشى ميدى او ؟ بورك دكل ، بابوج كوسله سى ...

عقيقه خام

آشجى بوره كى اينى يابه مديسه چوجفك نه قباحتى وار ؟

خيرالدين افندى

نه قباحتى مى وار ؟ اصل قباحت اونك ... همده قباحتك بويوكى ... كلن آشجيلره راحتى ويريور ؟ آلتى آى ايچندم اون اوچ اون درت آشجى اولدى . هانكييسى بش كونن ، نهايت بر هفته دن زياده او طوره بيلدى ؟ آمان ياندق ، جيلديره جفز ديه چيقوب كيتديلر . بزم نهودن عادتا جانلرينى قورتارديلر . يردن كوكه قدر حقلى وار . اوغلان مطبخدن طيشارى چيقمادى كه ... صباح ، آقشام حريفلك باشنده ... بكا توركه اوكره ته جكسكز ديه ياپمدينى قالدى . هر كيدن آشجى كلدى ، بئله ودا علاشيركن افندى سندن خشنودم ، الله ده خشنود اولسون ، فقط كوچوك بكا قهرينى چكه ميه جكز ديه رك چيقوب كيتديلر .

عفیقه خانم

طوغریسنی ایسترسه کز او قدر صراقلنمغه حق کز یوق ...
چوجفك نه فنا لئی کوریورسکیز؟ توتونی می وار؟ ایچکی
ایچیورده ذیل زور نامی اولیور؟ یوقسه قارشیده کوتوسوقاقلرده می
طولا شبور؟ (کندی کندینه) انسانلر عجایبدر. توتون ایچسه
توتون ایچیور دیرلر قباح اولور. راقی ایچسه سرخوش
دیرلر. بک اوغلنه کیتسه گزسه چاپقین دیرلر. حالبوکه زواللی
چوجو غك برشی یابدینی یوق ... قباحی نه ایمش؟ او قویور،
یازیورمهش ... قسبحان الله ...

خیرالدین افندی

بو بله او قومق یازمق اکیک اولسون! او قویوب یازیورمهش ..
مکتبه می کیدیور؟ خایر یانه یاپیور؟ شعر سو بله یور. شاعر
اوله جقمش ... بکمک ادبیاته صراقی وارمهش ... (استخفافکارانه
گوله رک) ادبیات؟ او، بشقه فن، بشقه علم ... پیکاردن
دستی طولدبران کویلی قیزی، ایران چناغنی باشنه دیکن
عموی، یاما جلرده قوال چالان چوبانی بزه بیانچی برلسان ایله،
اغلاق وابهامه بوغهرق تصویرایتک ادبیاتدن معدود اولسه یدی
بوتون دنیا ادیب، بلیغ، شاعر کسلیردی. آ کلایورمیسک
قادیم! سنک چوجو غك او قویوب یازمسی بوش ... نه لازم
ایستر بوش اولسون، ایستر طولو ... مینی مینی چوجق دکل آ!
اون سکیزی بتیرمک اوزره ... مادام که باشه چیقمه میورم .
الله مستحقنی ویرسون دیر براقیرم. فقط کیفمه طوقومسه ...

عفیقه خانم

کیفکزه طوقونوبده نه یاپیور؟



پرده

خیرالدین افندی‌نک خانه‌سنده یویو کجه بر او طه ارانه ایدر.
آلاتورقه تفریش ایدلمش اولان بو او طه ده ارکان مندر لرندن
ماعد اوج ، درت صندالیه، کار قدیم بر کتبخانه، اوزرنده
حقه لر ، قلملر بولنان بر یازی ماصه سی و سائر دخی بولنور.
خیرالدین افندی یوکسک بر مندر اوزرنده باغداش قورمش
اولدینی حالد حدتلی حدتلی سویلنور. زوجه سی عقیقه خانم ده
قارشیسنده بر صندالیه ده اوطورمش اولدینی حالد کورینور.

برنجی مجلس

خیرالدین افندی ، عقیقه خانم - صکره حنیفه و مسعود

خیرالدین افندی

(اوقودینی ندیم دیوانتی یاننه براقه رق) اولماز افندم .
بو ، چکیلیر درد دکل ... بر ، ایکی ، اوج ... نه در بو
آرتق ... بویله اولاد اوله جفته اولماز اولیدی ... ایکی قیز ،
بر اوغلان اویله کورله یوب کیتدی . خیرالحلف اولسون دیه
آخیر و قتمده بونی پیدا ایتدم . های ایتمز اولیدم ... خیرالحلف
نرده ... مصیبت ؛ شرالحلف اوله جق ...

PL

248

A782345

B4

اشخاص

قونوی زاده خیرالدین افندی	قصیده تونیہ صاحبی، ۶۸	یاشندہ
محمد بك (کوزله جی اوغلو)	مخدومی، ۱۸	یاشندہ
علی شادان بك	{ فیکرتیہ مکتبی مأذونلرندن، ۳۲ یاشندہ }	
مسعود آغا	عرب کوله، ۱۹۰۰۰	یاشندہ
جنار اوغلو کودوک احمد	آشجی باشی	
عفیقه خانم	خیرالدین افندی نیک زوجه سی	
حنیفه	خدمتچی، ۲۸	یاشندہ



بکملک ادبیاتہ مراقی

کولنچلی قومدی ۱ پرده

محرری : محمد آصف

تیاروده وضع صحنه حق محررینکدر

ناشری :

جمعیت کتبخانہ سی

در سعادت

[مطبعۂ اورخانیه]

۱۳۳۴



بکرمک ادبیاتہ مراقی

کولنجلی قومدی ۱ پرده





طابع و ناشری : جمعیت کتبخواناسی

ومدینک فہرمانی : کوزلہ جی ارغلو محمد بک

نجم استقبال مطبعہ سی

۱۳۳۴





PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL

248

A782345

B4

Asaf, Mehmed

Begimin edebiyata meraki

